



MARSVIN-IUTEQARNISSAMUT ILITSERSUUT

Uumasooq pillugu naatsumik

- 20-29 cm. missaani angissuseqalersinnaasarpooq, 0,7-1,2 kg-nik oqimaassuseqalersinnaa-sarluni (cuymarsvin marloriaammik anginerulersinnaavoq)
- 4-8-nik ukioqalersinnaavoq
- Ullup unnuallu ingerlanerani qaqugukkulluunniit eqqumasinnaavoq
- Inaa 1,5 x 0,8 m; anginerusinnaavoq arlariinnik toqqorfissalik
- Ineqassaguni, sapinngisamik ullormut anginerusumi pangaliffiginnaatinneqartariaqarpoq
- Nillertoq kiappallaartorlu saperpai. Seqinnersumiitillugu alanngiffissaqartariaqarpoq
- Mikisuaaraaniilli sungiusarsimagaanni nujitsorujussuanngorsinnaavoq
- Naasuneersunik nerisaqarpoq, naatitarpassuarnik nerisinneqartariaqarpoq
- Attaveqallaqqissuuvoq, arlaliutillugillu uumasuutigineqartariaqarput
- Qaammagini marlunni naartusarpooq, 3-4-nik piaqqisararluni

Imarisai

- 1 Uumasup suussusia
- 2 Inersimasup angissusia
- 3 Ukioqqortutigilersinnaassusia
- 4 Inissaata angisusissaa ilulissaalu pillugit inassuteqaatit
- 5 Naleqqussarnissamut immikkut pisariaqartitsineq – soorlu inip kiassusia
- 6 Ukkatarinnineq
- 7 Nerisaqartitsineq
- 8 Attaveqarneq
- 9 Kinguaassiorneq, piaqqineq, kinguaassiorsinnaajunnaarsitsineq
- 10 Nappaateqarneq iluaagisaqarnerlu
- 11 Paasissutissat allat



1. Uumasup suussusia

Cavia porcellus.

(Domesticeret) marsvin (Domestic) guinea pig; cavy

Marsvinit kikkaasuupput (Rodentia) ilaqutariinnut Caviidae-nut, Marsvin-eqatigiinnut artinut 17-18-iusunut ilaquataasut maraer aammalu kapivar (sorlernut ilaqutariinnut ilaanersoq apeqqutaatillugu).

Nalorninarpoq domesticeret marsvin art-imit sorlermit aallaaveqarnerseq; ilimanarporli ilaquata-riinnit *Cavia*-nit art-init nujuartaasunit arlariinnit akusaasimassasoq. Domesticeret marsvin ukiuni tusintilinni arlariinni kinguaassiertinneqarnermigut art-itut immikkoortut isigineqalersimavoq, pinggortitamilu siumugassaanani.

2. Inersimasup angissusia

Marsvin kikkaasuvoq angisooq. 20-29 cm.-erisut angitilersinnaapput, 0,7-1,2 kg.-nik oqimaassuseqalersinnaallutik. Timaa eqimalluinnartuvoq, takuneqarsinnaanngitsumik pamioqarluni naatsunillu nioqarluni. Siulliivi sisamanik inuaqarput, kingulliivilu pingasunik, tamarmik nuugissunik kukilinnik. Mikinerini arnaviaanersoq angutiviaanersorluunniit takuneq ajornakusoorsinnaavoq, angutiviaq anginerukkajuppoq kinguaassitaaalu sallaatsumik naqinneratigut usua takuneqarsinnaavoq.

Marsvin-it race-nut assigiinngitsorpassuarnut kinguaassiertinneqarsimapput, meqqumikkut qalipaatemikkullu ilisarnaateqalersimallutik. Immikkoortut anginerit tassaapput naatsunik pujattunillu meqqullit (nalinginnaanerpaapput), takeqatigiinngitsunik tukattunik meqqullit (ruhåret); (soorlu abyssiner, rex) aamma meqqujuut (soorlu peruvianere, alpaca, sheltie, texel). Tamakku tamarmik qalipaatemikkut assigiinngiiaartuusinnaapput. Aamma meqqoqanngitsunik peqarpoq. Taakku taaneqartarput “skinnys” imaluunniit “balwins”, meqqoqaratik inunngorsimanersut, kingusinnerusukkulluunniit meqquerussimanersut apeqqutaatillugit. Taava aamma “cuy” Amerikami kujallermi kinguaassiertinneqartoq nerisarineqarsinnaaqqullugu. Taakku marsvin-init nalinginnaasunit oqimaannerulersarput (2,5-3 kg.).

Kikkaasut allat assigalugit marsvin-it kigutai saarliit sisamaapput, akunneqarlutik, inuunerallu tamakkerlugu naajartuaartarlutik.

3. Ukioqqortutigilersinnaassusia

Nalinginnaasumik marsvin-it 4-5-nik ukioqalersinnaapput, ilaalli utoqqalinerusarlutik ukiut 8 angusarlugit.

4. Inissaata angissusissaa ilusissaalu pillugit inassuteqaatit

Marsvinit eqqarlil pinggortitami uumasuusut unnulernerani nerisassarsiorartarput, marsvinilli uumasuutigineqartut nalunaaquttap qanoq ilineratigulluunniit nerisassarsiorlutillu attaveqaatissarsiorartarput. Marsvinit nerisassarsiunngikkaagamik qangattanut taartunut toqqorsimanerorusuttarput qaamanermillu alanngisimaniartartuullutik. Marsvin attaveqarniartuupput, taamaammat uumasuutigissagaanni ikinnerpaamik marluutittariaqarput.

Inissiaq anginerusoq (9 m2 anginerusorluunniit) eqimattat arlariiuuffigisinnaasaat, inissaqarluartoq toqqorfissarpassualik kissaatiginarnerpaajugualuarpoq. Mikisumi ungalulimmi ineqartitaassappata

minnerpaamik 1,5 x 0,8 x 0,4 m-erisut angissuseqartariaqarpoq, marluussappata anginerusumi. Init arlariit imminnut ataqatigiissinneqarsinnaapput. Cuy marsvin anginerusumik inissamik pisariaqartitsivoq. Tamakku inissaat nalinginnaasumut sanilliullugu 25 %-imik anginerutinneqassapput. Marsvinit mikisumi ineqartinneqarpata ullormut inissaqarluartumiitinneqartariaqarput, soorlu 9 m²-erisut initussusilimmi toqqorfissarpassualimmi.

Inaasa susassaqartiviisaluunniit naqqi aalajangersimasuussapput quasannngitsut, ungalussiaanatillu saviminiusut, inigisaat ivikkanut toqqaannaq inissisimasuunngippata, taamaannngippat marsvinit isigai innarlerneqarsinnaammata. Inigisaasa naqqi pujoralannngitsunik soorlu sannakuqqanik angisuunik issusuunillu imaluunniit ivikkanik issumilluunniit, silami annertuumi susassaqarfimminiissappata.

Inigisaat pequserneqarsinnaavoq orpiit sorlaannik, ujaqqanik orpiilluunniit qalipaannik, pilutanik toquliornikunik taamaaqataanilluunniit toqqorfigisinnaasaannik. Toqqorfissalernerneqarsimassapput tamarnik immikkut ataatsimik amerlanernilluunniit toqqorfissalerlugit. Sinittarfeqartinneqassapput ivikkanik karrilluunniit kanaartaannik peqarluartumi. Ineqarfigisaat silap qaamarnga malillugu qaamaneqartinneqarsinnaavoq, seqernup toqqaannartumik saqerfigisinnaappagu illersuuteqartinneqassaaq, putsumut noqqoruunnermullu.

Marsvinit eqqiluisaartuupput, aalajangersimasumik anarfigalugulu quiffigisartagaqarusuttut. Annat nerisakullu ullut tamaasa peerneqartariaqarput, imerfissaallu taarsikulaneqartariaqarluni.

Ineqarfiup mikisup naqqa sapaatip akunneranut marloriarluni qaqorsaammik tipigissaatitaqanngitsumik eqqiarneqartassaaq. Ineqarfiilli anginerusut akuttunerusumik pisariaqartitsineq aallaavigalugu eqqiarneqartassapput. Ineqarfiat eqqiarneqareeraagat marsvin quisarpoq kingulliinilu naqqanut kalikalaarlugu inigisani tipiminik siammarteriffigisarpaa. Tamanna aamma ingammik angutivissani nutaamik initaartinneqartuni takussaasarpoq. Ineqarfiini anginerusuni eqqiaanermi sumiiffiit tipiminnik nalunaaqutsersorsimasaat ajornannngippat innarlernaveersaagassapput.

5. Naleqqussarnissamut immikkut pisariaqartitsineq – soorlu inip kiassusia

Marsvinit nuannarisqaqanngillat kiappallaamut, nillermut, masammut anorimullu sakkortuallaamut. Aasaaneranili marsvin silamiitinneqarsinnaaput, soorlu rujori aqutigalugu kialaarfigisinnaasaminut iserfissaqartittuaannaraanni, soorlu 10 grader qaangerlugu kissassuseqartuaannartumut. Tassani ivigaqarluassaaq imaluunniit karrit kanaartaqarluassalluni kialaarfigisinnaasaannik, nutaamik imissaqarluarlutik nerisassaqartitaallutillu.

Inigisaanni kiassutsip 27-28 qaangersimassanngilaa, taamatullu silamiitinneqarnerminni alanngiffissaqartitaasariaqarlutik.

Marsvinit kigutai saarliit alliaartortuaannartuummata mangiagassaqartitaajuaannartariaqarput, soorlu orpiit kanaartaannik paarnalluunniit orpiisa avalequtaannik serparsarneqarsimannngitsunik, kigutiminnik nungullarsaavigisinnaasaannik.

Marsvinit meqqujuut ullormut illarneqarnissaminnik pisariaqartitsipput. Marsvinit ilaat aalajangersimasut immikkut paarineqarnissaminnik pisariaqartitsipput, tamakkulu paasiniaarluarneqartariaqarput.

6. Ukkatarinnineq

Nerisassaat inaanni assigiinngitsunut toqqortakkit, taamaalillutik marsvinit namminneerlutik qanoq iliuseqaaqarlutik nassaarisinnaaqullugit. Naatitanik tunissagukkit aggoreeqinagit, namminneerlutik qalipaajarniassavaat.

Marsvinit nujuitsorujussuanngorsinnaapput mikineriniit sungiusarneqarsimagunik. Marsvinit inersimasut tatigeqatigiilerfiginiarnerat nujuinnerulersinniarnilu ajornakusoornerusinnaavoq. Sungiusarneqarsinnaappulli nipi atorlugu qaaqunerisigut aggerpatalu mamarsaatissaannik tunisarnersigut, sungiusaanerlu susassaqtinniarnernanut iluaqutaasinnaavoq. Nujuitsut kimmaanatillu qitsuaaniartuunngillat, tupannerminili, tatineqartutut ersiortinneqartutullu misigiguni taamaaloriataarsinnaavoq. Marsvinit eqqissisimasumik pisassaapput, tassanngaannaq aalariarfiginaveersaagassaallutik.

Marsvinit siulliivisa ataatigut tiguneqassaaq kingulliivisalu tunuatigut najummillugu. Sallaatumik tigungmineqassaaq, pisseqinammat. Portusuumit nakkarnerminni qitertik napisinnaavaat. Tamanna eqqarsaatigalugu portusuumiitinnaveersaaruk. Marsvin sinittoq tigungnisaannaruk. Marsvinit alapernaatsuupput naammattumik sammineqartillutik toqqissisimallutillu. Sumiiffinni nutaani avatangiisinilu toqqissisimananngitsumiikkunik tunuarsimaarnerusarput nujuarnerusarlutillu. Marsvineqatiminnik ilaqartillutik uippakajaannginnerusarput, taamaattumik uumasuutigissagaanni sapinngisamik arlaliutinneqartariaqarput.

Marsvinit pukkitsuinnaat qarsunniarsinnaavaat. Eqaatsuunngillat qallullaqqitsuunatillu. Pisariaqalerfiatigulli oqilaqalutik toqqorsinnaapput. Tassanngaannartumilli tupatsinneqarunik qerisutut aalariarsinnaajunnaarsinnaasarput, imaluunniit arlalissuugunik uippakajaarlutik pangaleqattaarsinnaasarput. Nalussinnaapput, nuannarineraalli assigiinngiaarunarpoq marsvinimiit marsvinimut.

Marsvinit ullormut aalanissartik pisariaqartippaat puallarpallaannginniassagunik. Inaat mikisuinnaappat ullormut sapinngisamik periarfissaqarnerusumi aalaffissaqartinneqartariaqarput. Inaata avataaniitinnegassappata sianigisariaqarpoq plastikimik, gummi-mik, innaallagissap aqquataanik naasunilluunniit toqunartulinnik mangiagassaqannginnissaat. Initunerusumi aalaffissaanniitinnegartarunik timertik naammattumik atorsinnaassavaat. Kamaammertillutik qiimmattarlutilluunniit qummut pisseqattaartut takuneqarsinnaasarput.

7. Nerisaqartitsineq

Marsvinit naatitartortuupput, pingaartumik naatitat pilutaat qorsuusut.

Ullormut nerisaat ivigaasariaqarput (ivikkat nutaat marsvinip nerisaasa 80 %-erivai) taavalu ivikkat salitat, naasupiluit naasullu akuleriit (soorlu inneruulat), orpiit kanaartaat serparsagaanngitsut, naatitallu allat, soorlu rodfrugter, fennikel, krydderurter (soorlu persille, dild aamma timian), juletrevisosalat, rucola, peberfrugt, agurk, bladselleri, brocolli, k  l assigiinngitsut (gr  n-, spinds-, kina-) guler  dder naasortallit, r  dbedet, majsokolbe, spinat, aamma paarnat (soorlu iibilit). Tamakku ilaneqarsinnaapput naasunik panertunik kingunissaannillu (soorlu gr  skar aamma solsikke).

Naatitanik nutaanik nerisaqartilertillugit marsvinit sungiussitinniaqqaartakkit, nerisaannik tassanngaannartumik allanngueriataarnermi erlaviisa ajornartorsiortinnginnissaat anguniarlugu. Ullaakkut unnukkullu nerisittakkit, tamatigut naatitanik nutaanik pissaqartilluarlugit.

Marsvininut iisartakkat pitsaasut nerisaannut tapertaliunneqarsinnaapput, naatitanilli pissaqartilluarlugit nerisassianik panertunik pisariaqartitsinngillat.

Marsvinit tamarmik, piaraagunik, naartusuugunik milutsitsisuugunilluunniit C-vitamin annertoq pisariaqartippaat. Taamaattumik C-vitamin-imik pissaqartilluartakkit, soorlu nerisaannut tapertaliullugit. Nutaamik imigassaqartinneqartuaannassapput.

Marsvinit erlavii sananeqaateqarput nerisaat marloriarlutik kaaviiartussallutik inuussutissartaat tamakkerlutik timaannut apuunnissaannut. Taamaammata aamma marsvinit anatik nutaatillugit, aqinnerini masannerinilu nereqqittarpaat.

8. Attaveqarneq

Marsvinit eqqarlui nujuartat eqimattakkuutaarlutik uumasuupput, nalinginnaasumik angutiviaq ataaseq, arnavissat arlallit piaraallu. Marsvin taamaalilluni uumasuuvoq uumasogatiminut attaveqartuuvoq, uumasuutigineqaraluaruniluunniit taamatut pisariaqartitsisoq. Ataasiakkaat imminnut atassuteqarnerulersarput, soorlu meqquminnik eqqiluisaarniarnermi, attaveqatigiinnermini, imminnullu atassuteqatigiinnermi, tamannalu marsvinit inuuneranut ilorrisimaarnartuuvoq. Ataasiakkaat kisimiitinnegartut uippakajaalersinnaapput ilorrisimaarnerallu killeqalersinnaalluni. Taamaattumik marsvinit marlunnit amerlanerutinneqartariaqarput eqimattaatillugit inissaqartilluaraanni. Eqimattani arnaviat arlaliusinnaapput angutiviarlu kinguaassiorsinnaajunnarsinneqarnikoq. Ataatsimoortitsiniarneq ajornannginnerusarpoq mikineriniit. Paasarpata tamanna pissuteqarsimassaaq inissakilliornerannik toqqorfissaalatsinerannillu. Angutivissat kinguaassiorsinnaalereersimasut ataatsimoortinnissaat isumatusaarnerrunngilaq, inissaqarluanggippata arnaviaqarpallu qanittumi.

Marsvinit eqimattakkaat iluminni qullersaqalersarput, tamannalu pissaaneqarniuttoqarneratigut inissinneqartarpoq, soorlu tamuanikkut, meqqumikkut siutimikkullu kikkaannikkut, meqquminnik tikkortitaarinnikkut, nipiliornikkut, sivikittukullakaanik saassuseqattaarnikkut, kiisalu suiaassuseqatigiit pissaaneqarnerusortaata aapparmi kingulliivnut qaqineratigut.

Marsvinit nipertik tipertillu atorlugit attaveqatigiittarput. Nipit assigiinngitsut arlaliupput, soorlu uinngiarsuttutut nipi kamaammernermi qiimmaallannermilu atorneqartartoq, nipi alla marsvin ilorrisimaarluni nipaa, qatimaanneq pissaanermik takutitsisoq, imaluunniit annilaanganermi makitaniarnermiluunniit, taavalu ersiornermi toqqissisimannnginnermilu.

Marsvinit marsvineqatitillu taamaallaat ataatsimoortillugit uumasuutigineqassapput, kikkaasuaqqammi allat (soorlu hamsterit ørkenrotte-llu), kaninat timmissallu ilaat nappaatinik assigiinngitsunik aattuisinnaammata, ilaallu marsvinut sakkortusaarnialersinnaallutik. Timmiaaqqat ilaat eqqarsaatigalugit takuneqartarpoq marsvinit meqqui nutsullugit iniliortartut. Inissaqarfiulluurtumili kikkaasuaqqanik taamaallaat orpinnik nerisaqartunik peqateqartinneqarsinnaapput, taakku nerisassat tungaasigut unammillertaanngimmata marsvininillu akornusersuinatillu uippakajaalersitsiniartanngimmata.

9. Kinguaassiorneq, piaraqarneq kinguaassiorsinnaajunnaarsitsineq

Marsvinit ukioq kaajallallugu ukiumut tallimariarlutik naartusinnaapput, tamannali upernaakkut pikkajunnerusarpoq.

Ulluni 59-72-ni naartusarpoq nalinginnaasumik ulluni 64-68-ni. 1-6-nik piaqqisarpoq, nalinginnaasumik 3-4-nik. Amerlanerungaatsiartunilli piaqqisoqartarnera takuneqartarpoq.

Kikkaasuaqqanut allanut sanilliullugu marsvinit meqqui, kukii kigutaallu inerilluareerlutik, ilaannakuungaluartumillu isigisinnaalereerlutik, 100 gr. missaanilu oqimaassuseqarlutik inunngortarput. Inunngorsimatsiaannarlutik nammineq ingerlasinnaanngortarput milunnermillu saniatigut nerisnaalereersarlutik. Eqimattani arnavissat arlaliutillutik piaqqanik nammineq piararinnikkaluakkaminnik isumassuisinnaapput.

Piaqqat pilertortumik kinguaassiorsinnaalersarput: angutivissat sapaatip akunnerini 3-5-nik utoqqaatigilerlutik arnavissallu sapaatip akunnerini sisamani utoqqaatigilerlutik. Arnavissallu erneriiinnarlutik naartuleqqissinnaapput. Arnavissap erninngitsiarnerani illersorniarlugu pingaartuuvoq angutivissap arnavissamat avissartikkallarnissaa.

Aammattaaq arnavissat siusinnerpaamik qaammatinik 6-7-nik utoqqaatigilereerunik piarartaartariaqarput annerpaamillu ukiumut marloriarlutik peqqinnissaat eqqarsaatigalugu. Piarartaarnissaa kissaatigineqarpat arnaviaq siullerpaamik naartulersariaqarpoq qaammatinik qulinik utoqqaatigilereeruni, tamanna sioqqullugu kuutsia suli ammarsimassanngimmat, erninissaanullu piareersimanngitsoorsinnaalluni. Marsvin cuy naliginnaasorlu nuliutinneqassappata, arnaviaq cuy-iusariaqarpoq, assigiinngitsumik angissuseqarnerat pissutigalugu ernilernermi ajornartorsiortoqannginnissaa eqqarsaatigalugu.

Piaqqat anaanaanit avissaartinneqassapput aatsaat sapaatip akunnerini sisamani utoqqaatigilerpata. (Sapaatip akunnerinik arfinilinnik utoqqaatigilerpata avissaartillugit pitsaanerpaavoq, tassa 300 gr. miss. oqimaassuseqalerneranni.

Angutivissat kinguaassiorsinnaajunnaarsinneqarsinnaapput qaammatinik arfinilinnik utoqqaassuseqalerpata. Arnavissat aamma kinguaassiorsinnaajunnaarsinneqarsinnaapput, tamannali angutivissap kinguaassiorsinnaajunnaarsinneqarneranut sanilliullugu pisariuneruvoq ulorianarnerullunilu.

10. Nappaateqarnek iluaagisaqarnerlu

Nerisassaat vitamininik, fiberinik inuussutissanillu pingaarutilinnik amingaateqarsimappata tamanna peqqinnissaannut sunniteqarnerlussinnaavoq, ingammik erlavii eqqarsaatigalugit. Neriumajunnaarnek erlaviiisalu sulinerisa annikillinerat nappaateqalersimanerannut ersiutaasinnaavoq. Anartarnera allanngorpat nerisarneralu allanguuteqarpat uumasup nakorsaa piaartumik attavigineqassaaq. Marsvinit C-vitaminimik amingaateqarnermut sunnertiasuupput, namminneerlutik tigoorarsinnaannginnamikku, aatsaat nerisaminnut akuutillugu pissarsiarineqarsinnaalluni. Nerisagissaarnissaa naatitanik naammattunik (imm. 7) pingaarutilerujussuuvoq. Nerisippallaarnissaali sianigisariaqarpoq marsvinit pualavallaaliasuummata. Nerisaat tassanngaannaq allanngortinnaveersaartarigit tamatumunna misikkarissuummata.

Anersaartuutimikkut silaannarmik noqqoruuttoqarneratigut inigisaataluunniit naqqata pujoralaqarneranit aseruuttuulersinnaapput.

Kigutaasa saarliit tallivallaannginnissaat pinaveersimatinneqarsinnaavoq naammattumik mangiagassaqartinneqarnerisigut. Kigutaasa tallivallaarnerisigut nerisaqarniarnerat ajornartorsiortinneqarsinnaavoq uumasullu nakorsaannit ikiorneqartariaqalersinnaalluni.

Akuttunngitsumik kukiinarneqartartussaavoq, inigisaata naqqa kukiinut nungullarsaasinnaanngippat. Kukiisa nuui kisiisa killortakkit maggui pinnagit. Nalorniguit uumasut nakorsaat paasiniaaffigiuk.

Meqqui katangarpata tamanna pissuteqarsinnavoq kumaqalersimaneranit. Aammali kræfteqalersimasinnaavoq.

Marsvinit ilaat race-t aalajangersimasut peqqissutsimikkut mianernarsinnaasarput. Marsvinit meqqoqanngitsut svampeqaliasuupput, amimikkut innarliasuullutik, seqinermut uujasuullutik issimullu mianernartuullutik. Marsvinit arlaat abyssinier isimikkut erlavimmikkullu akornuteqajasuupput. Kinguaassiortitsinerit arlaanni siumugassaakkajuppoq "waltzing disease" (tusilartuuvoq kaavilukaarlunilu), torticollis (niaqquminik kaajallatsitsiniartuuvoq), aqussinnaanngisamik sajunneq nukiillu sukaqattaartut. Sakkortuumik inassutigineqarpoq uumasut kinguaassiortinneqartut peqqissutsimikkut ajornartorsiuteqannginnissaat kingornuttakkanillu nappaateqannginnissaat (tamatumani pisariaqarpoq kinguaariit allattuiffiannik peqarnissaq napparsimasarnerinillu allattuiffeqarnissaq).

11. Paasissutissat allat

Marsvin inunnit ukiuni tusintilikkaani arlalinni uumasutigineqarsimavoq, namminerisaminillu artitut isigineqarluni pinngortitami siumugassaannngitsoq. Marsvin art-it ataasiakkaat ullumikkut Amerikkami kujallermi pinngortitami siumorneqarsinnaasut marsvininit domesticerede-tut oqaatigineqartartunit kingoqqisimasussatut ilimagineqarput, taakkulu pinngortitami nujuartatut uumasoaqatigiilersimassasut ilimagineqarluni.

Cuy marsvin ukiorpassuarni ulloq manna tikillugu Andes-ip qaqqarsuini inunnit nerisarineqarpoq pingaarutilik, aammalu tamaani nakorsaaitut kultoorimullu atatillugu atorluarneqarluni.

Europa-mi marsvin uumasutigineqartalerpoq ukiuni 1500-kkunni, kingornatigullu ilaqtariinnilu uumasutigineqartalerluni nuannarineqarluartoq.

Marsvin aamma misileraanerni atorneqartarpoq, soorlu nakorsaasiornerni uumassusilerinermilu ilisimatusarnermi; ullumikkulli terissat teriarsuillu taamatut atorneqarnerupput.



QUJANAQ ILITSERSUUT UNA ATUARAKKU.
APEQQUTISSAQARUIT KALAALLIT NUNAANNI UUMASUT IKINGGUTAI
APERIIN-NARSINNAAVATIT.
WWW.DYRENE SVENNER.GL